

东坡诗集

一函
十册

施註蘇詩卷之十七

長洲顧嗣立

漫堂先生宋一舉

閱定

毗陵邵長蘅刪補

樸園先生張榕端

商丘宋至

詩四十一首

起元豐二年己未守吳興卽以是年八月滿赴臺
獄十二月謫官黃州泊庚申春自京師赴黃作

李公擇過高郵見施大夫與孫莘老賞花詩憶
與僕去歲會于彭門折花餽筍故事作詩二十
四韻見戲依韻奉答亦以戲公擇云

汝陽真天人。絹帽著紅槿。纏頭三百萬。不買一笑哂。共
誇青山峰。曲盡花不隕。當時謫仙人。逸韻謝封畛。詩成

天一笑。萬象解寒窘。驚開小桃杏。不待雷發軫。餘波尚
涓滴。乞與居易種。爾來誰復見。前輩風流盡。寂莫兩詩
人。殘紅對櫻筍。饑腸得一醉。妙語傳不泯。君來恨不與
去。更復相牽引。我老心已灰。空煩扇餘燼。天游照六鑿。
虛室掃充牣。懸知色竟空。那復嗜烏吻。蕭然一方丈。居
士老龐蘊。散花從滿襪。不答天女問。故人猶故目。怨句
寫餘恨。疑我此心在。遮防費欄楯。應虞已斃虵。折尾時
一蠢。仄聞孟光賢。未學處仲忍。公自注開閤放
出事見本傳寄招應已足。
左右侍雲鬢。何時花月夜。羊酒謝不敏。此生如幻耳。戲
語君勿愠。應同亡是公。一對子虛听。

杜子美八哀詩汝陽讓帝子。省宇真天人。又詩每蒙天一笑。復似物皆春。南京閣
鼓錄汝陽王璿。玄宗鍾愛之。每游幸。頃刻不捨。璿嘗戴研絹帽打曲。上自摘紅檀
花一朵置帽上。簷處二物皆滑。久之方安。遂奏舞。山香一曲。花不墜落。上大笑。賜
璿金器。宋開府與玄宗論鼓事。上曰。頭如青山峰。手如白雨點。即羯鼓之能事。山
峰取不動。雨點取碎急。互見七卷。有美堂暴雨詩。注楊妃外傳。上羯鼓罷戲。秦國
請纏頭。對曰。豈有大唐天子姨。無錢用耶。遂出三百萬爲一局。上與妃子在沈香
亭。命樂工李龜年持金花牋召李白進清平調詞。白承詔。意猶苦宿醒。因援筆賦
之。上命龜年以歌妃笑。領歌意。尚書禹貢餘波入於流沙。左傳。僖二十三年。晉公
子重耳曰。其波及晉國者。君之餘也。唐白居易傳。初與元稹。醉詠故號元白。南史
張融卒。其從弟弔之曰。阿兄風流頓盡。王注。兩詩人指筆老。施大夫也。唐宰相有
櫻筍廚。三月爲最盛。左傳。襄十三年。鄭石臬曰。使歸而廢其使。怨其君以疾其大
夫而相牽引也。不猶愈乎。莊子庚桑楚身若槁木之枝。心若死灰。若是者。禍亦不
至。福亦不來。左傳。成二年。齊宣嬭人請收合餘燼。背城借一。六鑒出莊子外物篇
注。已見史記。蘇秦傳。饑而不食。烏喙者。爲其愈充腹。而與餓死同患也。宋齊
丘化書。躑躅之酒。烏喙之脯。初噉之若芥。再噉之若黍。復啖之若丸。又啖之若脯。
淮南子。聖人處環堵之室。高誘註曰。堵。長一丈高一丈。面環一堵。爲方丈。傳燈錄
居士龐蘊少悟塵勞。志求直諦。散花天女出維摩經。詳見十三卷。坐上賦戴花詩。
注。杜子美義鶻行。白蛇登其巢。吞噬恣朝食。又折尾時。二掉饑腸皆已穿。晉王敦
傳。字處仲。王愷置酒。敦與王導俱在坐。有女妓吹笛。小失聲韻。愷便毆殺。一坐改
容。敦神色自若。又愷使美人行酒。客飲不盡。輒殺之。酒至敦。故不肖持美人悲懼。

失色而敦傲然不顧導遂歎曰處仲若當世心懷剛忍非令終也又嘗荒忿於色體爲之弊左右諫之曰此甚易耳乃開後閣驅婢妾數十人放之毛詩鬢髮如雲古樂府有春江花月夜篇漢司馬相如傳亡是公亡是人也又亡是公听然而笑

王鞏清虛堂

清虛堂裏王居士。閉眼觀身一作心如止水。水中照見萬象空。敢問堂中誰隱几。吳興太守老且病。堆案滿前長渴睡。願君勿笑反自觀。夢幻去來殊未已。長疑安石恐不免。未信犀首終無事。勿將一念住清虛。居士與我蓋同耳。

楞嚴經月光童子白佛言有佛出世名爲水天教諸菩薩修習水觀我於是時室中安禪我有弟子闕牕觀室惟見清水遍在室中莊子齊物論南郭子綦隱几而坐再見晉謝安傳安石妻劉惔妹也見家門富貴而安獨靜退乃曰丈夫不如此也安石掩鼻曰恐不免耳史記陳軫傳謂犀首曰公何好飲也犀首曰無事也再見

和孫同年卞山龍洞禱晴

吳興連月雨。釜甑生魚蛙。往問卞山龍。曷不安厥家。梯
空尚巉絕。俯視驚谿沔。神井湧雲蓋。陰崖垂蘚花。交流
百道泉。赴谷走羣蛇。不知落何處。隱隱如縑車。我來叩
石戶。飛鼠翻白鴉。寄語洞中龍。睡味豈不嘉。雨師少弭
節。雷師亦停槓。積水得反壑。稻苗出泥沙。農夫免菜色。
龍亦飽豚豕。看君擁黃紬。高臥放晚衙。

戰國策知伯攻趙城水不沒者三版曰鼃生鼃人馬相食晉成公綏陰霖賦沈鼃
生蛙中庭運舟釜魚用范母事已見李白詩仙鼠如白鴉仙經編蝠一名仙鼠千
歲之後體白如雪棲則倒懸彌衡傳注槓擊鼓杖也禮記歲十二月土反其宅水
歸其壑百樂天詩暖閣謀宵宴寒庭放晚衙倦游錄文潞公初知榆次縣題詩於
新衙鼓上云置向譙樓一任槓槓多槓少不
知他如今幸有黃紬被努出頭來道放衙

○ 乘舟過賈收水閣收不在見其子三首

賈收字耘
老吳興人

愛酒陶元亮。能詩張志和。青山來水檻。白雨滿漁蓑。淚
垢添丁面。貧低舉案蛾。不知何所樂。竟夕獨酣歌。

五柳先生傳性嗜酒而家貧不能恒得親舊知其如此或置酒招之造飲輒盡期
在必醉唐書張志和金華人遁居江湖自稱煙波釣徒亦號玄真子顏真卿刺瀾
爲更易敝舟浮家汎宅往來蒼雪間嘗撰漁歌兼工山水酒酣祇筆輒成憲宗命
圖其像求之不能致盧仝詩莫怪添丁郎淚下作面垢添丁兒名也白樂天效陶
詩客去有餘趣
竟夕獨酣歌

嫋嫋風蒲亂。猗猗水荇長。小舟浮鴨綠。大杓瀉鵝黃。得
意詩酒社。終身魚稻鄉。樂哉無一事。何處不清涼。

楚詞嫋嫋兮秋風詩國風瞻彼淇澳綠竹猗猗杜子美詩水荇青青風翠帶長唐東夷
傳高麗馬訾水出白山色若鴨頭號鴨綠水大杓暗用晉人事鵝黃用杜詩玆已見

曳杖青苔岸。繫船枯柳根。德公方上塚。季路獨畱言。已

占蒲魚港。更開松菊園。從茲來往數。兒女自磨門。

襄陽記司馬德操詣龐公。值其渡河。上先人墓。注再見陶潛歸去來辭三徑就荒松菊猶存杜詩。嘔藥能無婦磨門幸有兒。晉書李密傳磨門無三尺之童。

○ 次韻孫祕丞見贈

感慨清哀似變風。老於詩句耳偏聰。迂疎自笑成何事。
冷淡誰能用許功。不怕飛蚊如立豹。肯隨白鳥過垂虹。
吟哦相對忘三伏。擬泛冰谿入雪宮。

公自注湖州多蚊蚋。豹。脚尤毒。垂虹。吳江亭名。

冷淡用白樂天冷淡生活語。詳見十卷游廬山次韻夏小正。白鳥。蚊蚋也。金樓子。白鳥。蚊也。齊桓公臥栢寢。謂仲父曰。一物失所。寡人惓惓。今白鳥營營。是必饑耳。因開翠紗廚進之。層足釋伏者何也。金氣伏藏之日也。金畏於火。故至庚日必伏。陰陽書。後夏至後第三庚爲初伏。四庚爲中伏。立秋後初庚爲終伏。故謂之三伏。王注。世謂湖州爲水精宮。言其四面皆水。雪宮借用孟子字。

○ 與客游道場何山得鳥字

清谿到山盡。飛路盤空小。紅亭與白塔。隱見喬木杪。中
休得小菴。孤絕寄雲表。洞庭在北戶。雲水天渺渺。菴僧
俗緣盡。淨業洗未了。十年畫鵲竹。益以詩自繞。高堂儼
像設。禪室各深窈。奔泉何處來。華屋過谿沼。何山隔幽
谷。去路清且悄。長松度翠蔓。絕壁挂唬鳥。我友自杭來。
尚歎所歷少。歸途風雨作。一洗紅日燎。俄驚萬竅號。黑
霧卷蓬蓼。舟人紛變色。坐羨輕鷗矯。我獨喚酒杯。醉死
勝流殍。書生例強很。造物空煩擾。更將掀舞勢。把燭畫
風篠。美人爲破顏。正似腰支嫋。明朝更陳迹。清景墮空
杳。作詩記餘歡。萬古一昏曉。

吳興公統記郡有五亭曰白蘋亭集賢亭山光亭朝發亭碧波亭又有白塔巷有白
石塔在焉因名楚辭招魂像設君室靜閑安些括地志何山本名金蓋山晉何楷
居此習業後爲吳興太守改爲何山唐傳
奕傳自爲墓志云青山白雲人也以醉死

○僕去杭五年吳中仍歲大饑疫故人往往逝去
聞湖上僧舍不復往日繁麗獨淨慈本長老學
者益盛作詩寄之

來往三吳一夢閒故人半作冢纍然獨依舊社傳眞法
要與遺民度厄年趙叟近聞還印綬竺翁先已反林泉
何時策杖相隨去任性逍遙不學禪

朱長文吳郡圖經續記漢永建四年分會稽爲吳郡以剡江中流爲界晉宋齊梁
陳之間雖頗割地而不改與吳興丹陽號爲三吳神仙傳丁令威云何不學仙家
纍纍左傳閔二年衛之遺民鬻女七百有三十人漢王莽傳莽下書曰子遭陽九
之厄百六之會國用不足民人騷動今厄會已度趙叟謂趙清獻公扑前一歲以

宮師致仕竺翁
指淨慈本長老

○ 船趁風

并引

吳中梅雨旣過颯然清風彌旬歲歲如此湖人謂
之船趁風是時海船初回云此風自海上與船俱
至云爾

三旬已過黃梅雨。萬里初來船趁風。幾處縈回度山曲。
一時清駛滿江東。驚飄蔌蔌先秋葉。喚醒昏昏嗜睡翁。
欲作蘭臺快哉賦。卻嫌分別問雌雄。

宋玉風賦楚襄王遊於蘭臺之宮有風颯然而至乃披襟當之曰快哉此風寡人
所與庶人共者取玉對曰此獨大王之風耳庶人安得而共之曰豈有說乎玉曰
發明耳目寧體便人此大王之雄風
啗齧嗽獲死生不卒此庶人之雌風

丁公默送蝓蚌

溪邊石蟹小如錢。喜見輪囷赤玉盤。半殼含黃宜點酒。
兩螯斫雪勸加餐。蠻珍海錯聞名久。怪雨腥風入坐寒。
堪笑吳興饒太守。一詩換得兩尖團。

胡越風物志蝓蚌并螯十足生蒲邊泥穴中潮退採取之四時常有雌者厖大而肥重者踰數斤去厖澤者熟分擘薦酒切爲炙其小而黃者謂之石蝓蚌肉硬厖於檢切西陽雜俎蝓蚌大者長尺餘兩螯最强鄧縣皆有人於水際泥穴採取之爲螯所剪夾有頃而死至今呼此爲蝓蚌洲

送孫著作赴考城兼寄錢醇老李邦直二君於
孫處有書見及

使君閑如雲。欲出誰有伴。清風獨無事。一嘯亦可喚。來
從白蘋洲。吹我明月觀。門前遠行客。青衫流白汗。問子

何恩恩王事不可緩故人錢與李清廟兩圭瓚蔚爲萬
乘器尚記溝中斷子亦東南珍價重不可算別情何以
慰酒盡對空案惟持一榻涼勸子巾少岸此風那復有
塵土飛灰炭欲寄二大夫發發不可絆

後漢方術傳趙炳嘗臨水求度船人不和之炳乃張蓋坐其中長嘯呼風亂流而
濟注和猶許也俗本作知者誤李方直白蘋亭記洲在郡城南京亂雲溪據洲之
陽揭大亭一焉一曰深柳憚爲吳興太守賦詩於此因以名洲清廟詩頌篇各尚
晝平王錫晉文侯桓圭瓚孔氏云以圭爲初柄謂之圭瓚漢鄒陽僂蟠木根抵
輪困離奇而爲萬乘器者以左右先爲之容也莊子天地篇百年之木破爲犧樽
青黃而文之其斷在溝中北犧樽於溝中之斷則美惡有閒矣其於失性一也詩
小雅南山烈烈飄風發發

○ 泛舟城南會者五人分韻賦詩得人皆苦炎字

四首

城中樓閣似魚鱗。不見清風起白蘋。試選苔谿最深處。
仍呼我輩不羈人。窺船野鶴何曾下。見燭飛蟲空自馴。
遶郭荷花一千頃。誰知六月下塘春。

劉禹錫湖州詩酒對青山月。琴韻白蘋風。孟東野送陸暢歸湖州詩渺渺雪谿前。
白蘋多清風。韓退之送惠師詩惠師浮屠者。乃是不羈人。白樂天餘杭詩遶郭荷
花三十里。按今震澤以南派太湖之水。亂苔谿。
二谿以通舟楫。東盡吳興。西盡餘杭。名曰下塘。

苦熱誠知處處皆。何當危坐學心齋。海螯要共詩人把。
谿月行遭霧雨霾。鄉國飄零斷書信。弟兄流落隔江淮。
便應築室苔谿上。荷葉遮門水浸階。

管子弟子職篇危坐鄉師。顏色毋怍。後漢茅容避雨樹下。危坐愈恭。莊子人間世顏
回曰。敢問心齋。仲尼曰。唯道集虛。虛者。心齋也。把螯用畢卓左手持蟹螯。語注已見。
紫蟹鱸魚賤如土。得錢相付何曾數。碧筍時作象鼻彎。

白酒微帶荷心苦。運肘風生看斫鱸。隨刀雪落驚飛縷。
不將醉語作新詩。飽食應慙腹如鼓。

後漢書河間詭女工數錢。西陽雜俎魏正始中鄭公愨守濟南。夏日率僚佐避暑於歷城之北。使君林下以大荷葉酌酒。以簪刺其心。令與柄通。莖上輪困如象鼻。傳飲之名。碧筒杯。歷下學之言。酒味雜蓮氣。香冷勝於冰。竇子野酒譜亦云。白樂天詩。味苦蓮心小。漿貼蕉節稠。杜子美設鱸歌。無聲細下飛碎雪。又詩。刀鳴鱸縷飛。張景陽七命。乃命支離飛霜。鍔紅肌綺。散素膚雪。落西陽雜俎。南孝廉者。善斫鱸。殼薄絲縷。因會客。忽雷震。鱸悉化為蝴蝶飛去。

橋上游人夜未厭。共依水檻立風簷。樓中煮酒初嘗艾。
月夜新粧半出簾。南郭清游繼顏謝。北牕歸臥等羲炎。
人間寒熱無窮事。自笑疎頑不受疰。

顧況湖州刺史。聽記在晉。則謝安謝萬王羲之獻之。國朝則顏魯公左。傳昭二十年。齊侯疾。遂疰。杜預曰。疰瘡也。後漢景丹傳。壯士不病瘡。

贈王郎一首

一作與王郎夜飲井水。此詩墨蹟刻石成都帖。而集中失載。王郎乃子由壻子立也。是時從先生於吳興。

吳興六月水泉溫。千頃菰蒲聚鬪蚊。此井獨能深一丈。

□□^{一作源龍}如我亦知君。

次韻李公擇梅花

詩人固長貧。日午饑未動。偶然得一飽。萬象困嘲弄。尋
花不論命。愛雪長忍凍。天公非不憐。聽飽卽喧閥。君爲
三郡守。所至滿賓從。江湖常在眼。詩酒事豪縱。奉使今
折磨。清比於陵仲。永懷茶山下。攜妓修春貢。更憶檻泉
亭。插花雲髻重。蕭然臥瀟麓。愁聽春禽哢。忽見早梅花。
不飲但孤諷。詩成獨寄我。字字愈頭痛。嗟君本侍臣。筆
橐從上雍。脫鞵吟芍藥。給札賦雲夢。何人慰流落。嘉嶠

天爲種。杯傾笛中吟。帽拂果下鞵。感時念羈旅。此意吾
儕共。故山亦何有。桐花集幺鳳。君亦憶匡廬。歸掃藏書
洞。何當種此花。各抱漢陰甕。

韓退之嘲少年詩。直把春償酒。都將命乞花。孟東野詩。文士莫辭酒。詩人命屬花。
高士傳。陳仲字子終。適楚。居於陵。列女傳。楚王欲以子終爲相。入告於妻。妻曰。亂
世多害。於是相與逃。而爲人灌園。張君房。脞說。湖州長城縣。啄木嶺。金沙泉。每歲
造茶之所也。泉處沙中。居常無水。湖常二郡守。至於境。會亭具犧牲。拜敕祭泉。其
夕清溢。及造茶畢。水卽微減。供堂者畢。水已半之。太守造畢。卽涸矣。守或還。施稽
晚。則有風雷之變云。爾雅。檻泉。正出。正出者湧出也。三國志。魏太祖先苦頭風。臥
讀陳琳所作檄。翕然而起。曰。此愈我病。數加厚賜。見王粲傳。注。漢趙充國傳。張安
世本持橐。簪筆事孝武帝。數十年。注。橐。褱囊也。近臣負橐。簪筆。從備顧問。或有所
紀也。漢司馬遷傳。報任安書云。迫季冬。僕又薄從上上雍。楊妃外傳。開元中。植木
芍藥於沈香亭前。會花繁。開召李白立進清平調詞上。自是顧李翰林異於他學
士。會高力士以脫鞵爲恥。摘其詞以激楊妃。帝欲官白。妃輒沮止。漢司馬相如傳。
請爲天子游獵之賦。上令尚書給筆札。賦云。楚有七澤。嘗見其一。未觀其餘也。臣
之所見。蓋特其小小者爾。名曰雲夢。雲夢者。方九百里。杜荀鶴梅花詩。謝公吟賞
愁飄落。可得更拈長笛吹。撫遺蜀州紅梅閣東壁有詩。憑仗高樓莫吹笛。大家雷